

# Kangikhitjutikhaq

## Syphilis

### Hunauva syphilis?

Syphilis nuliaqnikkut hiamititqiyauvaktuq aanniarut (STI) aannialaqinnaqtumit *Treponema pallidum*.

### Qanuq aanniarutiqaqaaqtut syphilismik?

Inuit tahapkuat nuliakatiqaqtut amigaitqiyamik atauhikmit aanniarutiqaqaaqtut STI-mik. Inuk qayagingitkumi nuliaknikkut uttukkut, itikkut qanikkulluuniit aanniarutiqaqaaqtut syphilis-mik. Hingaihimayuq arnaq aanniarutilik STI-mik aanniartittaaqtaa ilumiutani aanniarut ihuirutiniaqhuni ilumiutaminut.

### Hunauvat aanniarutit syphilismik?

Qilamik pitjutigiyait syphilis-mut aanniarutingit (takulugu hivulliqmik pitjutaa ataani), kihimi aanniarutiniliktitlugu aanniarutigiyait naunaittut tammaqpakniarungnaqhiyut. Taimaa kangikhitjutigingitaa aanniarutaiktumik. Aanniarutigiyat naunaittut tamaraluaqtitlugit ihivriuqtauyughauyutit munaqhinillu ikayuqtaulutit. Inuit himaitirtaaqtaa aanniarut naunaitkaluaqtitlugit aanniarutingit. Ataani allatqiit pitjutignit syphilis-mut aanniarutiqaqtunut qanuqlu pivagiangani kakugunguraangat:

- Hivulliqmik pitjutaa – uumani pitjutaani aanniarut hivulliqmik timimungakpaktuq. Ulurianaittuq (kilaangniq) takunnaqhivaktuq iluani 3-mit 90-mut ubluni nularuiqpata inungmut aanniarutiqaqtumut. Amihut inuit takuyuitait kilaangniq ukurianainmat. Ilanii kilaangniq mamitpaktuq munariyauhimaittumik, kihimi kangikhitjutigingitaa aanniarutaiktumik. Munariyaungitkumi aanniarut hivumuuqniaqtuq tuglianut pitjutaanut;
- Tugliani pitjutaa – pivaktuq malrukni havainiqni 6-nut tatqirhiutinut kilaaruiqhimalikkat (kilaangniq). Uvinirlukniarungnaqhiyuuq timimi. Uvinirlukpaktut itimakmi algakni ataanilu (aluani) itigakni;
- Timimihimmaaqtitlugu pitjutaa – hivitunirivagait amigaitqiyaanit 20-ni ukiuni – uvinirlukniq tammaqpaktuq munariyauhimaittumik naunaittunik aanniarutaikhutik. Ihuaqtumik munariyaungitkumik, aanniarut hiaminniaqtuq timingnut;
- Pingahuani pitjutaa – aanniarut himaitpaktuq ihuirutilunilu ilanginni timingni. Ukuat ilangit uumatimi, qaritaq ahinilu timimi aulatjutini ittuni. Ilaani hiamitjutaa aanniarutip tuqunnaqtuq.

### Qanuq ilihimaniaqqit aanniarutiggungni syphilis?

Aungmi naunaiyaivlutik naunaikpagaat una syphilis. Aanniarutiqaqnaqahugiguvit, munaqhiqarvikmungaulutit uqaqvigilugu taakti munaqhiluuniit, apiqhilutit aungmut naunaikhitkulugit.

### Huna ikayuuikhaa syphilis-mut?

Syphilis nakuuhittaaqtuq kitumilikaak pitjutainni atuqlugit havautit antibiotics-nguyut. Qilamik una syphilis munariyauyughaq qilamiuklutik. Antibiotics-nguyut ihuaqhilimaitait ihuirutauhimaayut talvani timimihimmaaqtitlugu pitjutaa.

Ikayuutikhaa hivitunianut syphilis-mut uumani malrukni havainiqni. Ihivriuqtaulutik autiguttauk. Aungmut ihivriurut naunaikniaqtaa kitu ikayutauyaangat. Taimaa inuk munariyauyuuq nuliakhimaittumik piluni iniqtinngu tamaat ikayuutikhamut piyainut hivitunia iniqqat unalu iniqtirutaa aungmut ihivriurutit naunaikhitjutait tuniyaukpata.

# Kangikhitjutikhaq

## Syphilis

### Hunanik allanik ihivriurutikhat piniaqqigit?

Inuit ihivriurtauyakhat allanut STI-nut ukuningalu: Chlamydia, Gonorrhea unalu HIV. Munariyaungitkuvit STI-mut uumatut syphilis, qilamik aanniarutikaliktaqtutit HIV-mut. Ilaani aanniarutiqaqpaktut amigaitqiyaanit atauhiqmit aanniarutimit aanniartitluni,taimaatut ihivriurtauyughayut allanut STI-nut.

### Ukuattaq nuliaqatigiit?

Tamaita nuliaqatigiit ihivriurtauyughat munariyaulutiklu aanniarutiqaqumik.

- Hivulliqmik pitjutaa,uqaqvigilugit nuliaqatigiit qaangiktinnagu pingahut tatqirhiutit.
- Tugliani pitjutaa, uqaqvigilugit nuliaqatigiit qaangiktinnagu 6-ni tatqirhiutit.
- Timimiititlugu unalu pingahuani pitjutaa, , uqaqvigilugit nuliaqatigiit qaangiktinnaguatuqtuq ukiunga ukuatlu aipparihimmaaqpaktani. Nutaqqat ihivriurtauniarungnaqhiyut.

Takuyakturlugu qaritauyakkut (<http://www.irespectmyself.ca>) naunaikyuumilugit nuliarnikkut pikatigiigutikhanullu.